

悼北伐将士阵亡文

呜呼！平沙浩浩，心惊河北之魂；大地茫茫，梦断江南之路。望风云而变色，痛烈士血溅沙场；照日月以争光，羨芳名永垂竹帛。试想夫激昂奋斗，几回将目返戈头；何妨为感慨悲歌，顷刻间云生笔底。忆昔虏庭占据，大中华锦绣陆沉，更加帝制、专横，数千载江河日下。孙总理首先倡议，求吾人平等自由，革命军响应成功，挽民国同时恢复。伤哉袁、段，利令智昏，蠢尔张、吴，甘为下走，痴心复辟，妄想称尊。此皆魄夺自天，魂慑于鬼，行见匈奴扑灭，走狗皆烹，可立而待者也。惟是民权中阻，内则盗阉嚣张，因之边畔频开，危如累卵，不可须臾，亏此篲工，岂容姑息。緬总理言犹在耳，以革命尚未成功，谅同胞忠岂忘心，宜继续赞襄义举。用是东连吴越，北占湖湘，闽粤慨赋同仇，黔桂咸敦友谊，张、吴跣伐，合全国黔首毅力，歼彼强梁，与诸君黄龙痛饮。方冀燕云垂手，立奏肤功，谁知弹火无情，偏多缺憾。十年战士，未遂初心；百战将军，都缘义死。出师未捷，固无痛儿女情长；壮志未酬，终未免英雄泪满。凡属同志，莫不兴悲，欲慰英魂，还须努力。死者已矣，生者勉之。但看露布颁来，北伐军连番奏凯；尤望戈矛偕作，后方人鼓勇直前。乘一月三捷之声威，灭小丑以荡沃雪，奋千载一对之敌忾，破名城取敌探囊。赫赫乎百万貔貅，气早吞乎云梦；桓桓者三千豪杰，义犹感动风雷。听金戈铁弓之声，奸雄丧胆；看虎贲龙骧之士，国贼惊魂。谅此何敌不摧，敢谓何攻不克？班声动而南风起，投鞭直可以断流；剑气冲而北斗平，传檄定灭兹朝食。燕云克靖，虎豹胥除。申条约以告友邦，海关立复；论功赏而亲袍泽，生死同荣。藉今朝建追悼之词，作异日策勋之颂。英灵不昧，畅快斯言。后实之情，哀哉尚飨。